



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-012-5 /22**

Datum: 12.07.2022. godine

«Agencija za vodno područje rijeke Save» Sarajevo rješavajući po zahtjevu pravnog lica JP Ceste Federacije BiH d.o.o Sarajevo za izmjenu Rješenja vodnoj dozvoli broj: UP-1/21-3-40-012-3/22 od 08.02.2022. godine u dijelu rješenja koje se odnosi na održavanje separatora ulja i masti, kontrolu kvaliteta otpadnih voda prije ispusta u recipijent i plaćanje vodnih naknada, na osnovu člana 130. stav (1) tačke 2., Zakona o vodama («Službene novine Federacije BiH», broj 70/06) i 262. Zakona o upravnom postupku («Službene novine Federacije BiH», broj 2/98 i 49/99) donosi

RJEŠENJE o izmjeni rješenja o vodnoj dozvoli

1. Rješenje o vodnoj dozvoli broj UP-1/21-3-40-012-3/22 od 08.02.2022. godine u dijelu rješenja koje se odnosi na održavanje separatora ulja i masti, kontrolu kvaliteta otpadnih voda prije ispusta u recipijent i plaćanje vodnih naknada, se mijenja:
 - **Tačka 3.1.** se mijenja i glasi:
«Objekte čija je svrha prikupljanje i odvođenje onečišćenih oborinskih voda do gradskog oborinskog kolektora koji uključuju slivnike, rešetke, rigole, reviziona okna, spojne kanalizacione vodove održavati i koristiti na način koji će obezbijediti njihovu potpunu ispravnost i funkcionalnost, a sve u skladu sa uslovima datim od strane JP «Vodovod i kanalizacija» Zenica kao operatera kanalizacionog sistema.»
2. Posljedično izmjeni Rješenja iz tačke 1 brišu se tačke:
 - **Tačka 3.2**
 - **Tačka 3.3**
 - **Tačka 3.4**
 - **Tačka 3.5**
 - **Tačka 3.6**
 - **Tačka 4.**
 - **Tačka 5.**
3. **U Obrazloženje** na strani 4 brišu se drugi i treći pasus koji se odnose na tačku 4. i tačku 5. ranije izdatog rješenja koje se ovom izmjenom Rješenja brišu.
4. Ostale tačke Rješenja o vodnoj dozvoli ostaju nepromijenjene.

O b r a z l o ž e n j e

Pravno lice JP Ceste Federacije BiH d.o.o Sarajevo, obratilo se ovoj Agenciji, dana 28.06.2022. godine sa zahtjevom za izmjenu Rješenja o vodnoj dozvoli broj: UP-1/21-3-40-012-3/22 od 08.02.2022. godine koja se odnosi na održavanje separatora ulja i masti, kontrolu kvaliteta otpadnih voda prije ispusta u recipijent i plaćanje vodnih naknada.

Uz zahtjevom je dostavljena sljedeća dokumentacija:

- Kopija Rješenja o vodnoj dozvoli, broj: UPI-1/21-3-40-012-3/22 izdatog 08.02.2022. godine od strane ove Agencije,
- Snimak izvedenog stanja instalacija sistema oborinske odvodnje i kišnog kolektora sa pumpnom stanicom Blatuša, šifra: 5380/15, urađen aprila 2015. godine od strane JP za prostorno planiranje i uređenje grada «Zenica» d.o.o. Zenica,
- Saglasnost za radove na rekonstrukciji mosta (M17.0-2-26) preko rijeke Bosne na cesti M-17, dionica Doboj – Zenica – Lašva, petlja u naselju Blatuša u Zenici, broj: 712-7809/15 /LB izdata 11.06.2015. godine od strane JP «Vodovod i kanalizacija» d.o.o. Zenica.

Podnosilac zahtjeva je dao sljedeće obrazloženje:

Onečišćene oborinske voda sa petlje u Blatuši prikupljaju se i odvođe na postojeći sistem odvodnje dijela petlje Blatuša (isključno-uključni pravci prema gradu Zenica) kao i odvodnja glavne ulazne-izlazne saobraćajnice u grad Zenicu ispod podvožnjaka u naselju Blatuša. Na glavnom oborinskom kolektoru prije ispusta u rijeku Bosnu ugrađen je separator ulja i masti i pumpna stanica.

Kako je kompletan sistem oborinske kanalizacije kao i separator ulja i masti u vlasništvu Grada Zenica i njima upravlja JP «Vodovod i kanalizacija» d.o.o. Zenica, to JP Ceste FBiH ne mogu preuzeti obaveze iz vodne dozvole koje se odnose na održavanje separatora ulja i masti i kontrolu kvaliteta ispuštenih oborinskih voda prije ispusta u recipijent.

Na osnovu uvida u dostavljenu dokumentaciju i obrazloženje utvrđeno je da su navedeni razlozi za izmjenu Rješenja o vodnoj dozvoli, koja se odnosi na održavanje separatora ulja i masti, kontrolu kvaliteta otpadnih voda prije ispusta u recipijent i plaćanje vodnih naknada, opravdani a da izmjene navedene u obrazloženju nisu u suprotnosti sa uslovima propisanim u vodnoj dozvoli, broj: UP-1/21-3-40-012-3/22 od 08.02.2022. godine.

Iz tih razloga trebalo je riješiti kao u dispozitivu rješenja o izmjeni rješenja o vodnoj dozvoli.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

POUKA O PRAVNOM LIJEKU

Protiv ovog rješenja može se izjaviti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja. Žalba se ulaže putem ove Agencije ili preporučeno u dva originalna primjerka.


Žalba se taksira sa 15,00 KM administrativne takse u biljezima, a po tarifnom broju 3. Tarife federalnih upravnih taksi.

Obradivač akta:

Roksanda Školjić, dipl.ing.građ.

Po ovlaštenju

Rukovodilac sektora za izdavanje vodnih akata



Doris Ališehović, dipl.inž.građ.

Dostaviti:

- JP CESTE FBiH d.o.o. Sarajevo,
ul. Terezija br.54 b, 71000 Sarajevo
- AVP Sava, ISV-vodna knjiga
- ☉ Sektor 40 – arhiva
- Sektor 50
- Oglasna ploča – AVP Sava